

D. D.  
DISSERTATIO PHILOSOPHICA,  
DE  
**INFINITATE  
EXTENSO**  
PERPERAM  
**TRIBUTA,**  
QUAM

*Adprobante Ampliss. Facult. Phil. in Reg. Acad. Aboënsi,*

**PRÆSIDE**

*Maxime Reverendo atque Celeberrimo VIRO,*

**DN. DOCT. · CAROLO  
MESTERTON,**

*Logic. & Metaphys. PROFESS. Reg. & Ordinar.*

*Publicæ censuræ modeſte offert*

**ANDREAS BECKMAN,**  
WESTRO-GOTHUS,

Die XV. Maji Anno MDCCLXII.

L. H. Q. A. M. C.

---

*A B O Æ,*  
Impress. JOH. CHRISTOPH. FRENCKELL.

VIRO Admodum Reverendo atque Praclarissimo  
**D: NO PETRO LAMPA,**

S:æ R:æ M:is a Sac:is ordinario atque ecclesiasticis, quæ D:EO MARIAESTA-  
DU, nec non in ILLARFVA & EK colliguntur Antistiti longe meritissima  
adjacentisque districtus Præposito gravissimo.

PATRONO OPTIMO.

**M**irum forte Tibi, Patrone Magne, videbitur, quod ego, qui  
Tibi habitus vix nomine notus fui, hoc qualemque specie-  
men Academicum celeberrimo Tuo nomini consecrare ausus  
sum; sed mirari desines, cum me ex eorum numero esse cognoveris,  
quos fortuna Tecum cognatione conjunctos voluit. Haec prarogativa  
una cum fama singularis favoris, quo omnes ingenuos cultores littera-  
rum, complecti soles, ea me fiducia implevit, ut hunc tibi immat-  
turum ingenii fructum, in pignus venerabundæ mentis, offerre non  
dubitaverim. Si illum, qua sfero & opto vultus serenitate suscipere  
digneris, meque non indignum judices, qui Tuo utar patrocinio, vo-  
tia meis abunde respondit fortuna. Quod reliquum est nunquam  
intermittam, Summum Numen indefessis venerari suspiriis, velit Te  
Patrone Optime, Familiamque Tuam Nobilissimam, per longam ana-  
norum seriem omnigena beare felicitate. Sic vobis ad urnam per-  
mansurus:

Admodum Reverendi NOMINIS TUI

humillimus cultor  
ANDRÆ BECKMANÆ


Krono-Befallningsmannen  
Öfwer Westgötha-Dals Södra Fögderi,  
Ådel och Högakad

# Herr JONAS A. INGMAN,

Gunstige Gynnare.

De välgärningar, som Min Herre mig behagat visa, hela den tiden jag haft den åran at til wett och dygd handleda Edra lärå och välartade Söner, äro så många och stora, at jag här hvarken hinner upräkna eller beskrifva dem. En kan jag dock ej undgå at nämna, nemligen at detta mit ringa Snilleprof hade ån nu måst ligga långe begravvit i mörkret, därst Eder friostighet ej hulpit det samma i dagsljuset. Eder, Min Herre, som så ådelmosigt behagat taga min nog tröga lycka under armarna, at jag så mycken tacksamhet kyldig, at jag ingen Gynnare kan nämna, som jag med förra rätt bör räkna ibland de medel, som Förshynen brukat at upphjälpa mig utur min tryckande torftighet, som jag långe med möda åflats med. Denna Eder godhet hafiver uprest at sig i mit hjärta en lefvande årestod, hvarpå Min Herres välgärningar äro med vordnads rumor så djupt intryckte, at de skola förblifva lika beständiga med lifvet. Jag vet fördensfull intet tjänligare medel, hvarigenom jag kan visa något prof af min årkänsla, än då jag med tacksamhet gör Min Herres godhet allmånt kunnig, medelst det jag sätter Min Herres vårda namn framför deſa blad. Anse fördensfull mit företagande med wanlig ynnest, så blir jag oafslateligen förbuaden, at, jämte beständiga böner för min Herres och deſt kärra Värdnads siefvonskeliga välgång, vid alla tilfället visa med huru stor högaktning jag framhärdar.

Ådle och Högakad Herr Krono-Befallningsmannens  
ANDERS BECKMAN.



### S. I.

**N**on dubito fore multos, humane Lector, qui hodie optimis litteris de aureo plane seculo gratulentur, cum varia scientiarum studia nunc multe, quam antea, & latius patere & lætius florere deprehendunt. Sed hi erunt fere, qui, paucis bonis multa mala infeliciter admixta esse, ignorantes, omnem eruditionis florem ex secunda fortuna nonnullarum duntaxat disciplinarum æstimabunt, non adtentis illis insidiis, quæ optime cuique scientiæ a profanis quibusdam ingeniijam passim strui cœptæ sunt. Neque enim exiguus est numerus eorum, qui partim speciosis argutiarum phaleris exornare, partim maleficiis eloquentiæ condimentis temperare satagunt pessima errorum fermenta, qui unquam ingenium humanum fascinare possint. Hi, si didicerint, infausta ista portenta animis vitiis dediti vehementer placere, idque sua natura importare,

manu sed ensata

ut

ut neque veritatis, neque virtutis studium florere possit, ubi ipsis grassandi licentia datur; non admirabuntur nos, qui, de felicitate nostrorum temporum modice sentientes, eos vix audiendos judicamus, qui nimis magnifice de hodiernis reipublicæ litterariae commodis loquuntur. Nisi enim valde fallimur, tanti non sunt incrementa, quæ scientiæ quædam nostra memoria ceperunt, ut pro nihilo haberi possint nefanda opinionum monstra, quæ sanctissima illa principia, quibus ipsa salus generis humani nititur partim apertis machinis, partim occultis cuniculis labefactare conantur. Hujus generis cum hodie magnus sit numerus, quis dubitat, tanto quemque melius de republica litteraria mereri, quanto in id incubuerit diligentius, ut læti scientiarum agricæteras errorum maculas, quæ in nostro maxime seculo penitus inveterasse videntur, & omnem ejus laudem obscurant, haud immerito referimus insulsu illud decretum, quo multi, ideam *infiniti* cum idea *extensi* simul stare posse, nugantur. Præterquam enim, quod hæc quidem opinio nullo unquam pacto cum solida veritatis notitia consistere possit, nefandum etiam monstrum in recessu habet, quod veram divinitatis ideam penitus ex animis hominum expungit. Etenim si res ipsa paulo adcuratius examinetur, nec pessimæ negligantur sequelæ purum putum Spinozismum involvit, quo nihil vel sanæ rationi, vel veræ religioni magis cogitari contrarium potest, quandoquidem

utrique certam minatur ruinam. Operæ igitur nos  
pretium facturos speravimus, si exercitio hocce a-  
cademico, pro virium modulo ostendere conare-  
mur, inter ideam *extensi* & ideam *infiniti* adeo cer-  
tam esse pugnam, ut a nobis impetrare non possi-  
mus, quin *extensum infinitum* & circulum quadra-  
tum pari passu ambulare firmiter credamus. Quod  
si vero arduam hanc materiam minus adcurate,  
quam optamus, pertractare valeamus, Te, Lector  
beneole, quo decet studio & officio, rogatum vo-  
lumus, ut, quod infra vel voluntatem nostram vel  
exspectationem tuam substiterit, id benigna juves  
interpretatione.

## §. II.

Quamvis *notio extensi* adeo clara atque certa  
videri possit, ut nulla explicatione egeat; eam ta-  
men paucis exposuisse non poenitebit, præsertim  
cum natura negotii, quod nobis conficiendum su-  
scipimus, postulare videatur, ut in singulis, quoad  
fieri potest, adcuratam adhibeamus diligentiam.  
Qui cum Cartesio *extensum* definiunt *quod partes ex-  
tra partes habet*, ii veram rei ideam minus perfe-  
cte expresserunt. Nisi enim plura adhibeantur cri-  
teria, periculum est, ne convellantur limites, qui-  
bus quantum *continuum* a quanto *discreto* discerni  
debet. Novimus enim in utroque quantitatis ge-  
nere plures concipi partes, quarum una alteram  
non continet. Quid? quod quantum *simultaneum*  
cum quanto *successivo* facile confundi possit, nisi il-  
læ

Iæ adjiciantur notæ, quæ horum discriminem insinuant. Quocirca is demum, nostro quidem judicio, plenum & planum extensi conceptum sibi formasse videtur, qui id omne hoc nomine indigitari sentit, quod *partes extra & juxta partes* habet. Hac enim definitione omnia continentur criteria, quibus definitum ab omnibus aliis entibus discernitur. Quisquis enim hanc intuetur ideam, is non tantum in uno, tanquam toto, plures animadvertisit partes, quod omnibus quantitatis generibus commune est, sed insuper etiam simultaneam partium existentiam adgnoscit, quæ illi soli quantitatis generi, quod simultaneum vocatur, propria est, &, quod rem plene determinat, *conceptum* invenit *specificum*, quem ratio *continuitatis* continet, quæ latet in voce *juxta*, qua lacunam supplevimus, qua laborare videbatur definitio Cartesiana. Ipsæ autem *partes*, quibus extensum absolvitur, duplices sunt generis. Aliæ extra animum cogitantis realiter existunt, aliæ in nudis consistunt ideis, quibus entia extra cerebrum concipientis realiter existentia non respondent. Illas *veras* has *fictas* vocabimus. Quoniam vero talia existunt *tota*, quales sunt *partes* ex quibus efforuisse intelliguntur; haud obscure patet, *extensem* commode in *verum & fictum* dispesci posse. Prioris generis sunt omnia *corpora*, quæ in amplissima atque pulcherrima hac universitate occurrent, sive *totalia* sive *partialia* sint; posterioris vero ordinis exempla suppeditant *extensa Mathematicorum*, qualia sunt, quæ vel tantum in longum, ut *lineæ*, vel in longum & la-

tum.

tum, ut *plana*, vel in longum, latum atque profundum, ut *solida* extenduntur. Si cui pro veris *realia* & pro fictis *imaginaria* dicere placeat, is nos non repugnantes habebit; res enim eodem recidit. De utrisque postmodum plura. Nunc *notionem infinitatis* paulo distinctius evolvere conabimur.

### §. III.

Quum *infinitas* sit abstractum *infiniti*, facile intelligitur, totum negotium eo redire, ut, quid hoc posterius in recessu habeat, inquiramus. Non desunt, qui, veram *infiniti* ideam, in finitam naturam cedere, negant. Hi si nihil aliud sibi velint, quam, qui, intellectum limitatum nunquam eo perfectionis pervenire, contendunt, ut adaequatum *infiniti* conceptum sibi formare possit, nos facile consentientes habebunt, quippe qui illud ambabus manibus concedendum intelligimus. Quod si vero longius progressi statuere non vereantur, adeo angustum esse intellectum humanum, ut ei naturam *infiniti* nullo plane pacto cognoscere liceat, facere non possumus, quin nos iis & manibus & pedibus opponere conemur. Quotidiana enim experientia neminem dubitare sinit, finitam animæ nostræ naturam minime obstat, quominus tam *distinctam infiniti notionem* nobis formare valeamus, ut ejus beneficio illud ab omnibus aliis entibus in omni casu & stata discernere possumus. Talem enim notionem tradunt, qui *finitum* definiunt *quod non habeat, in quo crescat, seu ulteriora realitatis incrementa capere non posse*. Non dubito futu-

futuros, qui, his verbis *conceptum* pure *negativum* involvi, judicent, ob eamque causam ad rem distincte cognoscendam non sufficere. Sed hi nos excusabunt, si, utrumque veritati adversum tenere, dixerimus. Plurima enim exempla, fieri posse, docent, ut fini quem indicavimus, sufficient *definitiones* pure *negativæ*, id quod filii Logicorum passim inculcant. Et quod ad nostram adtinet definitionem, ea, quamvis *terminis* efferatur *negativis*, *conceptum* tamen *positivum* circa controversiam importat. Nam quod ulteriora incrementa realitatum non admittit, id sine dubio omnes possidet realitates, quæ unquam sunt compostibiles. Quis autem non sentit hanc posteriorem propositionem *conceptum* maxime *positivum* involvere? Ipse vero *terminus infiniti* in variis disciplinis varium admittit significatum. Logicis *infiniti* dicuntur *termini*, qui nihil determinate significant, sed quodvis indeterminate, præter id, quod, ut ajunt, infinitatur. Ex terminis infinitis nasci solent *propositiones & syllogismi*, qui de nomine *infiniti* participant, de quibus hic plura monere non vacat. Mathematicis frequentari solent *appellationes infinite magni & infinite parvi*, quorum utrumque tum de *lineis*, tum de *numeris* prædicare solent. *Infinite parvum* dicunt, quod adeo exiguum est, ut ab ingenio humano adsignari nequeat ulla ratio, quam ad aliam quandam datam quantitatem forte habeat; *infinite vero magnum*, quod tantum est, ut nulla nobis cognita sit quantitas, cuius rationem ad illud determinare valeamus. His adeo terminis *in infinitatem* non *absolutam*, sed *relati-*

vam significari certum est. Quidquid enim vel *infinite magnum* vel *infinite perveni* vocant, id tale intelligi volunt in relatione ad intellectum humanum, qui *infiniti* proprie dicti adæquatam mensuram non continet. Hoc si meminissent eruditii, sublata fuisse et caussa multorum iurgiorum, quibus occasionem præbuerunt quæstiones de *progressu & regressu in infinitum*, quorum ille locum habere dicunt, cum quantum aliquod in *infinitym augeri* ponitur, hic vero, cum quantum aliquod in *infinitym immunit* fingitur. In sensu vero Metaphysico *infinitym* vocatur quod re ipsa habet omnia quæ in suo genere sunt possibilia. Atque hoc *proprie dictum infinitym* est. Nam quod Logicis & Mathematicis dicitur *infinitym*, id rectius *indefinitum* vel *indeterminatum* dici deberet. Si ens aliquod *infinitym* vocari merebitur, necesse quidem est, ut quædam adsit omnitudo eorum, quæ habere concipiatur. Sed hoc tamen non ita intelligendum est, ac si *repugnantia & contradictionia* hoc nomine comprehendentur. Hæc ratio est, cur in data definitione mentionem fecerimus *possibilium*. Neque vera *infinityi* idea hoc involvit, ut ens, quod tale concipiatur, habere debeat omnia, quæ in quovis alio genere, quam ad quod ipsum pertinet, possibilia intelliguntur. Ut igitur adpareat, quænam sint illa ipsa *omnia*, quæ ens aliquod *infinitym* constituant, respiciendum est ad *propriam ejus essentiam*. Tum enim vere *infinitym* est, cum ea omnia habet, quæ ad eam vel *constitutive* vel *consecutiva* pertinent. Neque enim Spiritui tributa infinitas postulat,

lat, ut omnes corporis adfectiones possideat, adeoque inter alia *infinitam extensionem*, ut sine fine longum, sine fine latum & sine fine profundum existat. Atque hanc habuimus causam cur verba: in suo genere in allata definitione adjecimus. Notiones enim universales, per essentialia determinantur. Hoe sentientes facile intelligimus, quid sibi voluerint, qui infinitum dixerunt, quod nullos essentia terminos adgnoscit.

*§. IV.*

Hactenus id egimus, ut *notiones* vocum *extensis* atque *infiniti*, in usum sequentium, rite evolveremus. Nunc rem ipsam adgrediemur porissima producturi argumenta, quibus evinci posse putamus, *extensem* illud *infinitum*, quod multi viri docti per quietem viserunt, merum esse phantasma, quod statim evanescit, simulac radii veritatis mentem paulo clarius collustrant. Quum *geminam* sit *extensem* verum & fictum *§. II.* ab illo, quod prioris est generis initium facere placet. Huc pertinere, docuimus, omnia corpora physica, quorum complexus *mundum* constituit *materiam* atque *sensibilem*. Omnia itaque primum hocredit *quaestio*: *num hic mundus tantæ sit magnitudinis ut de eo recte prædicari posse infinitas?* Quum ad classem *extensorum* pertineat, quod res ipsa docet; necesse est, ut pluribus ex partibus constet, per definitionem *extensi*. Hinc facile intelligitur, verum *partium numerum*, veram esse *mensuram extensionis*. Unde prono quasi alveo fluit, prout finita vel infinita fuerit *multitudo partium*, ita *finitam* vel *infinitam* esse

*magnitudinem extensionis.* Nostro igitur officii erit demonstrare, tantum non esse numerum memoratarum partium, ut stricte & proprie loquendo *infinitus* dici possit. Quatenus multi viri docti clarissimis & certissimis docuerunt experimentis, unicum auri granum dividi posse in duas milliones partium, quarum singulæ nudis oculis conspici queant; eatenus extra controversiam positum est, omnium visibilium partium, quibus *universum* hocce *corporeum* absolvitur, adeo stupendum esse numerum, ut a nullo mortalium ad calculum reduci unquam possit. Quamvis autem *in relatione ad modulum capacitatis*, quo ingenium humanum gaudet, quodammodo *infinitus*, vel potius *indefinitus* sit; *in se* tamen *finitus* seu *definitus* esse potest. Quid? Quod talem eundem revera esse, luce clarius constet, modo ad *naturam numeri* paulo diligentius attendere velimus. Quantumvis enim grandem atque enormem cogitaveris numerum, non tamen implicat, si eidem *continue novas superaddi conceperis unitates*. Hinc fieri potest, ut *continue major evadat*, adeoque *semper habeat in quo crescat*. Cumque id omne *infinitum* sit, *quod non habet, in quo crescat*, ut supra docuimus §. III. vi oppositorum sequitur, *id omne finitum esse, quod habet in quo crescat*. Hinc instar corollariorum sequentes fluunt veritates: 1:o *Finitam esse multitudinem partium, quibus mundus hic materialis & sensibilis absolvitur*, 2:o *finitam esse magnitudinem extensionis, qua hic idem mundus gaudet adeoque* 3:o *priori extensorum generi, quod verum dicitur falso tributam esse infinitatem*.

## §. V.

Quamvis ea sit natura certitudinis veritatum, ut potius *firmis*, quam *multis* pariatur *argumentis*, tanta tamen inopia rationis laborare solent plerique mortalium, quos inverterata *præjudicia* in transversum egerunt, ut erroribus nuncium mittere nolint, nisi *magna argumentorum agmina* admovearis, ut non tam *firmitudine* extirpata, quam *multitudine* conculcata videantur *præjudicia*. Hinc licet nobis persuasum habeamus, adeo ponderosum esse argumentum, quod jam contra *infinitatem extensionis* produximus, ut nullo negotio elevare possit levissimas illas ratiunculas, quibus pugnare solent, qui *extensum* aliquod *infinitum* somniant; in gratiam tamen eorum, qui dicto animi vitio impediuntur, quominus verum ipsius nervum sentire possint, plura cumulare non piget. *Mundum materialem atque sensibilem aeternum existere*, tot demonstrant documenta, quot externis sensibus nostris usurpamus objecta, adeo ut ipsa stupiditate stupidiores merito dixeris eos, qui tam claram atque certam vellicant veritatem, quantumvis sibi acuti videantur. *Quidquid autem existit, id omnimode determinatum esse*, constat inter omnes, qui philosophiam vel limine salutantur. Quis igitur non vider, *extensum* hoc *corporeum*, quod mundum materialem vocamus, omnimode determinatum esse? Sub omnimoda autem determinacione necessario comprehendi *determinatam multitudinem partium*, quibus constat, tam clarum & certum est, ut dubitatio locum inveniat nullum. Jam vero *infinitum* cum *indefinito* & *finitum* cum *determinato* coincidere

dere novimus. Evictum igitur est, quod evincendum erat, omnes illas partes, quæ *universum* hoc *corporeum* constituunt, non nisi *finitum* producere *numerum*, unde non nisi *finitum* exsurgit *extensum*. Quod si vero quis nervum hujus argumenti minus senserit, is cogitet velim, quod *verbum determinandi* nihil aliud involvat, quam *rem aliquam certis finibus atque limitibus*, *quos non transgrediatur, includere*. Quare *determinatum & definitum* pari omnino passu ambulant. De utroque verbo hic notasse juvabit, quod *duplicem* potissimum *significationem* admittat, alteram *absolute*, alteram *relative* consideratam, quarum illa rem dicit, *qualis in se & sua natura est*, *hæc qualis adparet, facta re*latione ad nostrum *capacitatis modulum*.

## §. VI.

Sed erunt forte, qui minus moveantur argumentis, quæ *disciplina suppeditat metaphysica*, utpote quæ ideo se palatis ipsorum probare nequeunt, quod ipsi, deliciis physicis adsueti, nescio quas stomachi rationes pati incipiunt, quoties sicciora metaphysicorum fercula gustare coguntur. Ut igitur horum imbecillitati succurramus, physicum dabimus argumentum, quod illis, ut speramus, abunde satisfacet. Infinito experimentorum numero evictum dederunt naturæ consulti, diversa corpora physica diversis gravitatibus specificis gaudere. Hoc tum de solidis, tum de fluidis tenendum esse, passim demonstrant, Nec alia est ratio, cur corpora *æqualis voluminis inæqualem* prodant *gravitatem*, quam quod alia rariora, alia densiora sint, & proinde alia minorem, alia majorem *mat*riæ *quantitatem* sub eodem volumine comprehendant.

Hinc

Hinc non potest non sequi, in omnibus illis corporibus, quæ aliis specificè leviora inveniuntur, adesse spatiæ quædam vacua, nunc majora, nunc minoræ, pro varia textura elementorum, ex quibus conflata sunt. Sic exempli causa experimentis Hallyeanis constat, cubum auri, cujus diam. unius tantum digiti sit, continere 243000000000000000000000  
 seu 243 millia billionum particularum tantæ magnitudinis, ut nudis oculis cerni queant. Jam vero aliunde notum est, gravitatem auri ad gravitatem aquæ eam servare rationem, quam habet numerus 19 ad unitatem. Quare necesse est, ut cubus aquæ ejusdem diametri tantum 12631578947368421 $\frac{1}{2}$  particularum contineat. Cubus igitur aqueus, cujus diameter unius est digiti, tantum spatium materia vacuum complectitur, quantum 2303684210526315771 $\frac{1}{2}$  ejusmodi particularum occupare possunt. Jam vero cum nulla adsit contradictione, si omnia hæc spatia particulis corporeis repleta concipientur, facile intelligitur, quam stupenda sint incrementa, quæ numerus elementorum mundi corporei admittere adhuc possit. Quis igitur tam vecors esse potest, ut adgnoscere detrectet finitudinem extensionis universi hujus corporei, quam adeo claris & certis demonstravimus argumentis? Nos certe adeo convicit evidentia allati argumenti, ut prius dubitare possemus, an bis duo sint quatuor, quam de finitudine laudati extensi vel minimam mouere dubitationem. Nec est, quod quisquam excipiat a solidis ad fluida non valere argumentationem. Ipsa enim fluida inter se Similiter servant rationem gravitatis, quod plurimis ostenderemus exemplis, nisi res omnibus notissima esset. Atque ita fidem liberavimus, quantum ad prius extensi.

tensi genus pertinet. De posteriori necesse non est multa mone-  
re, cum in se nihil realitatis contineat, sed purum cerebri hu-  
mani segmentum sit, quod nemo in dubium vocabit, qui vel tan-  
tillum judicij ad res examinandas adferre valebit. Verbo mo-  
nuisse sufficiat, *extensa imaginaria*, quâlia sunt *lineæ*, *plana &*  
*solida* mathematicorum, nomine tantum *infinita* esse, & si quæ  
illis competit *infinitas*, eam aliam esse non posse, quam *negati-  
vam*, quæ in eo consistit, quod nobis concessum non sit certos  
ponere terminos, ultra quos imaginatio humana Sphæram acti-  
vitatis suæ extendere nequeat. *Linea exempligrafia Mathematicis* tum dicitur *infinita*, cum non repugnat, si continua incre-  
menta capere singatur. Quis autem non videt, illam ipsam lineæ  
adfectionem arguere finitudinem. Ut adeo lineam *infinite longam* statuere contradictionem involvat, quâdiu certum est,  
infinitum non habere in quo crescat. Nos igitur firmiter tene-  
mus omnia finita esse præter Solum Deum Optimum Maximum,  
cujus æterna essentia nullos adgnoscit terminos.

ERRATA: Pag. 4. līa. II. leg. optimæ. pag. 8. l. 26. leg. infinitum.

### Til Sin Væn och LANDSMAN.

**A**t verldens Rymd, hur stor, doch aende sækert har,  
Du visar quickt Män Bror, då Du i ljuset gifver  
Et vittert Lærdoms prof, som nog samt det beskrifver,  
Och utaf moet vett oss læmnar vitnen klar.

\*†\* \*†\* \*†\*

Gack, skynda til den løen, som flit och møeda gjer;  
Minerva står tilreds, Dig bland sin vænner taga,  
Och vil en Lager Krants, med tiden åt Dig laga:  
Jag ønskar lycka til både den och annat mer !!!

JUSTIN SCHIEVER.